


Matius 8




Mam ti ro tuuf to, raa makyõ bokyõ mam remo ro Kana. Raa sait yoo fai sau. (Kana to mhau mam provinsi ro Galilea.) Yesus yme mamõ't bokyõ reto ye. Tna raa moo taah mee k'Yesus ysa kuber wAit ye. Tna ana mamõ't bokyõ reto beta.



Raa makyõ bokyõ reto tna anggur maya mkak. Tibyo Yesus yme mamõ mo k'Ait mawe, "Yesus; anggur maya fo mkak oh." Menohe yme masen mamõ mkyas bo k'sryan na. (Sryan baro mhau tna siwyan bo ro bokyõ reto.) Yesus yme mawe, "Bo bawya ro Ait ybis k'anu nno to, nno oh."



Tna Yesus yawe k'sryan weto yawe, "Nmo nwyan aya nkah nma. Tna nror mam baah weto matot beta." Sryan weto mari tna mam mwyan aya mama tna nror matot.



3

Tna Yesus yawe k'sryan weto yawe, "Tna nwyan aya reto kebet baro nror mam hawereh sau. Tna nbo nmo nee k'bi ait ro yisoh bo sohmaam to, yata sanet yari wia." Tibyo ana moo aya baro mam mee k'bi ait yata.



4

(Riwai Yesus yno aya mboh mam baah weto haberek mam anggur maya.) Ana makah mam mee tna bi retait yata baro sanet. (Ait wase anggur maya ro msu refo mbam mam woyõ. Sryan weto mesait mhar.) Bi retait sanet yari he aya reto msu. Anggur maya reto to, mafah rau to moof ati.




5

Tna bi ait ytu k'ait ro ymen fnya retait yama. Tna yawe k'ait yawe, "Ja raa moo anggur maya ro msu mee k'raa mata matim wia. Raa mata ro moof reto tibyo bisir. Tna kbe tis rau to, raa masyõ anggur maya ro mkair to mee k'raa mata. Menohe riwai nyõ nabe anggur maya ro moof refo mamo snok mam wore mfo refo tna nyõ nasyõ nee k'raa mata!"



6

Yesus yno bo msai reto yerif yase rAit oh mefo. Bo msai ro tinyi reto Yesus sair mam Kana ro mhau mam provinsi ro Galilea. Tna kuber wAit smot Ait mawe Ait yase toni.




7

Tna Yesus yamo twok mam samu ro Petrus. Twok tna ymat Petrus snyim ro ano mjin sai. Au metsu mbe.



8

Yesus yamo ybo fai au matem. Tibyo kiyam reto mrok marak. Tna fai au masen saruk boit mee k'ana mait.



9

Mti reto to, raa ro kiyam msya raa ro kabes mbo beta to, raa makah mama mo k'Yesus. Raa ro mbam kota reto beta mama't bohra ro amah reto.



10

Ait yisoh raa mawat ro mafa bo knik-knak weto re moof. Tna yikyak kabes mawat frok ye. Kabes weto mhar mawe Ait tait Ku ro Allah yare. Menohe Yesus hawe kabes weto mkyas Ait. Tibyo yno wa kabes weto re shait bana sai.




11

Yesus yatak rAit yisoh ana beta moof. Tibyo raa mawat tomer mama miir Ait.



12

Mam weto to, raa baro naut mama. Tna ana mabo jii nkatar ait ro yaa mhai sait mama. Mama mawe makah ait mama mo k'Yesus.



13

He raa mawat burut wa Yesus. Feto to ana makah ait maut abyõ mam ti manaf. Tna ana mitrah ti manaf reto baro mno hroh mam wore Yesus yros mte. Tna mruk ait mkah sese rait ye. Mruk mam ti samu mato.



14

Yesus ymat ana tna yhar yawe ana smot Ait matak. Tibyo Yesus yawe k'ait ro yaa mhai retait yawe, "Ku aJō, iro wonyō to, Jō tyon oh." "Nasen, tubat sese anyō, tna nasom namo bonyō oh!"




15

Yesus yaut wiak sau, tna kuber wAit kro maut ye. Ana mamamo mamamo tna foos ro msai frok tubor mama mai wiak rana. Tna figyōm mase mai maut mam wiak mato ye tna mabo kait ana beta. Menohe Yesus yjin tu bait mam wiak mato.



16

Yesus yrok yasen tna yastako ana yawe, "Bosmot wanu matak fee! Anu waa bo bawya mefo?" Feto tibyo Ait yifau foos msya figyōm weto. Tibyo maru reto mrok mnem. Yesus yno feto tibyo ana weto mrok ktak sai, tna mawe k'anya mawe, "Bi Ait refi yatak yifau foos msya figyōm weto mari. Bi Ait refi fi raa fe bawya mefi?"



17

Allah yatmof raa ro tabam refo toni. Tibyo yasen ysan Ku rAit sait tomu yama't tabam refo. Yno afo re awya sai ro smot tna msam wai k'Ait kbe mhau hame wajin. Kbe yhai fee.

40

60 18

Roma 3:23

Raa beta to mno iro. Menohe Allah tait Raa ro yase. Ait yno bo ro moof toni. Bo moof beta ro anu raa bno to moof mnan Ait fee. Mabut fares sai.

Roma 6:23

Soh raa mno iro to, Allah yawe boren ro yaren ana weto to: Ana mhai tibyo. Menohe Allah yatmof anu: Ait yuumto roon ro hame k'raa ro smot Kristus Yesus, Tuhan ranu.

Ibrani 9:27

Anu raa ro bhau mam tabam refo to, ja bhai mun sau aran sai. Bhai tna kbe meen Tuhan yoo safo mana ymit k'anu.

19

Efesus 2:8,9

Jō tawe u tawe, anu smot Kristus tibyo Allah yatmof anu yoo riof yee k'anu. Bo weto to, anu nesait nno fee. Bo weto to, tiwya Allah yuumto k'anu sai. Anu raa besait bkah bo re bisoh biranya bsya Allah meto fee. Ait yatmof raa sai. Ait yesait yno feto re kbe raa safuk ana fee.

Roma 10:9,10

Au oh mi awya sai ro hrenaut fee, menohe ykyas abyō k'raa yawe, "Yesus tait yamo Tuhan ro ybo jō." Tna soh ait yhar mam yhaf mato yawe, Yesus yajat tna Allah yno Ait yrok yasen; kbe meen ait retait ykai riof. Jō tkyas u tawe soh raa sait ksah yawe Allah ymat ait yfi raa ro mhaf moof to, kbe ait yno bo bawya? Soh ait smot Yesus mam yhaf mato rait to, kbe Allah yawe ait yfi raa ro mhaf moof. Tna soh ykyas abyō yawe, "Yesus yamo Tuhan ro ybo jō." ykyas mam wore raa mros mmat to, kbe meen ait ykai riof.

20

Yohanes 3:16,17

Allah yatmof raa ro tabam refo toni. Tibyo yasen ysan Ku rAit sait tomu yama't tabam refo. Yno afo re awya sai ro smot tna msam wai k'Ait kbe mhau hame wajin. Kbe yhai fee. Allah ybis Ku rAit yroh yama re yoo safo mana ymit k'raa ro tabam refo fee. Menohe Ku rAit yama afo re yno riof k'raa.

1 Yohanes 5:11-13

Bokyas ro ati oh mefo: Allah ysan roon ro hame k'anu oh. Tna Ku rAit oh mi yama yno re anu bhau hame to. Feto to awya ro smot Ku rAit to, kbe ait retait ykai roon reto. Tna awya ro hawe smot Ku rAit to, kbe yhau hame fee. Jõ tkom bo wefo beta tiim k'anu ro smot Ku ro Allah rAit afo re anu nhar nwe meen anu nhau hame wajin.

21

Matius 8-9; Markus 1-2, 4;
Lukas 4, 8; Yohanes 2

Storyline by: Edward D. Hughes

Illustrated by: Byron Unger, Lazarus,
and Alastair Paterson

Adapted by: E. Frischbutter, Sarah S.

Mai Brat NT (ayz) © 2005 Wycliffe Bible
Translators, Inc. in cooperation with
Yayasan Sumber Sejahtera, 2005

<https://www.bible.com/en-GB/bible/2398/MAT.1>

©2026 Bible for Children, Inc.
www.M1914.org www.bibleforchildren.org

22